




Sapos wan total i stap soem se hemi fraet, kamaot sloslo long rod blong hem. Taem wan total hemi fraet bae hem i:




Swim hariap




Daeva go daon hariap



Jenjem rod blong hem




Jenjem fasin blong hem o stopem wanem nao hem i bin stap mekem.



Swim ronwe long yu



Swim i go long dip ples



Kod blong Kondak blong bot we i operet kolosap long ol otel



Publikesen ia hemi mekem blong Vanuatu Environmental Science Society wetem sapot blong European Union.

Yusum QR kod ia blong luk ol evri Rul blong folem long Vanuatu Environmental Science Society websaet.




Janis hemi moa hae blong sperem wan animol sapos we bot i stap spid, mo hemi save mekem kil o kilim ded ol total, no mata sapos kil hemi kam from bodi blong bot o propela blong bot. Taem yu stap long wan ples we yu save se i gat total longhem, leko enjin i ron sloslo nomo mo lukaot from ol total.

Ol total i stap long fulap ples long Vanuatu mekem se ol kapten oli mas lukaot gud long ol total taem oli stap ron. Mas tekem gud taem blong yu blong lukaot lo total taem wan bot i stap long wan ples we i gat total longhem mo kolosap long wan sanbij blong nes long ol time blong bigfala ren (oktoba kasem maj).

Sapos yu stap long wan ples blong total:


- 1 Ron long "no-wake-speed" (spid we i no mekem wef) taem yu stap 50m longwe long ples blong total.




- 2 No mekem tumas noes long bot blong no distepem ol total

- 3 Ron long "no-wake-speed" taem yu stap 100m longwe long sanbij blong nes blong total long taem blong nes (Oktoba kasem Maj)

Sapos yu no save se ples ia hemi sanbij blong nes blong ol total, askem ol pipol blong ples o sloem daon spid blong bot eni taem yu stap kolosap long sanbij.



- 4 Ron sloslo nomo mo long wan stret rod
- 5 Slowem daon spid blong bot i go long "no-wake-speed" sapos yu luk wan total long 30m longwe long bot



- 6 Jusum wan man long bot blong stap lukluk gud from ol total

Yusum wan signal we evriwan i save (long tok o han) taem i luk wan total, blong kapten i save wea total i stap mo jenjem spid mo rod blong bot. Mekemsua se olgeta wokman long bot oli save gud long signal ia



- 7 No distebem ol total taem oli stap kakae o mekem bebe

- 8 Stap wetem wan total blong 30 minit nomo no moa


Sapos yu stap lukluk ol total o yu mekem wan turis tua blong lukluk ol total, mekemsua se taem blong yu hemi 30 minit nomo. Sapos i gat narafala bot we i bin kam bifo long yu, mekem se olgeta taem we ol bot oli stap kolosap long total i no pasem 30 minit.



- 9 No givim kakae long total o sakem samting long solwota we total i bae tingse hemi kakae



- 10 Lukaot from ol nara bot mo toktok long olgeta long ples we yu luk total longhem.



- 11 No ronem o mekem ol total oli fraet



- 12 Lukaot gud taem yu ron antap long ol grass blong solwota mo rif, mo taem yu sakem angka o pulum bot i kam long sor from yu save spolem ol ples blong silip blong total

Yusum ol moring we i no save spolem graon blong solwota. Moring we i gat ol flota i sidon andanit we i holem jen o rop i no save fas long graon, hemi moa gud.



- 13 Ol proteksen blong propela oli no mekem bot i sef long total

Ol propela blong bot oli save gat protekta blong daonem ol janis long katem total, be fulap total we oli kasem kil from bot, hemi from bot i sperem olgeta no from i katem olgeta. Ol proteksen blong propela no save stopem wan bot blong kilim ded wan total. Blong stopem ol kaen kil ia, yu mas putum spid blong yu i go daon lo "No-wake-speed" mo ron sloslo nomo taem yu stap ron long wan ples blong total.

